

Informe de avaliación do PAT



Data de aprobación en CGC: 18/11/2020

I. INTRODUCCIÓN

Neste informe recóllense as principais accións de orientación e apoio levadas a cabo no PAT das titulacións da Escola de Enxeñaría Aeronáutica e do Espazo, Grao de Enxeñaría Aeroespacial e Máster en Operacións e Sistemas Aéreos non Tripulados, durante o curso 2019/2020.

O Plan de Acción Titorial (PAT) da Escola de Enxeñaría Aeronáutica e do Espazo recolle un conxunto de actuacións destinadas a favorecer a integración do alumnado na vida universitaria e atender ás súas necesidades formativas e informativas. Este documento foi aprobado na Comisión de Calidade o 24/4/2020 e ratificado pola Xunta de Escola o 7/5/2020.

Os principais axentes implicados no desenvolvemento destas actividades son o director do centro, o coordinador do PAT, os coordinadores de curso e a Comisión de Calidade, que vela porque o procedemento de orientación ao estudantado do centro cumpra os requisitos e estea permanentemente actualizado.

Os destinatarios deste PAT son os e as estudantes, a quen se dirixen as actuacións programadas co fin último de favorecer a consecución das súas metas académicas e persoais ligadas á etapa universitaria.

II. ACTIVIDADES DO PAT

Estas actividades poden agruparse fundamentalmente en:

1. Accións de acollida

A xornada de benvida tivo lugar o día 6 de setembro de 2019 e estaba dirixida ao estudantado de novo ingreso. Antes do comezo do curso, o coordinador do grao enviou de forma individual a cada novo estudante información relevante para o inicio do curso nun carta de benvida.

A estrutura básica desta sesión é a mesma que a de cursos anteriores. O director do centro, o coordinador de grao, o subdirector de organización académica e o coordinador do PAT dan toda a información sobre o título: organización de horarios, distribución de grupos, calendario de exames, plataformas informáticas, listas de distribución de correo. Ademais contouse coa presenza de persoal de atención ao estudantado, do servizo de biblioteca, do servizo de deportes e do servizo de Atención Psicopedagóxica.

Tamén se presenta información sobre a Delegación de Alumnos e as distintas asociacións de estudantes da escola: UvigoMotorsport e Uvigo Aerotech.

2. Accións informativas e de orientación profesional

Este bloque ten como destinatario principal o alumnado do segundo, terceiro e cuarto curso e másteres.

Orientación sobre as mencións e a optatividade

Para o alumnado de segundo curso, organizouse o 21 de xullo de 2020 unha reunión virtual para facilitar información sobre as distintas mencións ofertadas no grao co fin de que os alumnos poidan ir planificando o seguinte curso. Participaron o coordinador do PAT, a coordinadora de Calidade, un profesor da área de Aeroespacial e dous alumnos de cuarto, un por cada mención ofertada no grao. Na sesión presentáronse as dúas mencións do grao e a súa orientación profesional.

Orientación sobre mobilidade

Respecto ao plan de mobilidade, organizouse unha reunión o 21 de novembro de 2019 para recordar que deben actualizar os seus cursos de idiomas segundo a preferencia de posibles destinos.

Orientación sobre igualdade

A coordinadora de igualdade convocou ao alumnado a participar na III Xornada de Divulgación en Ciencia, Tecnoloxía, Enxeñaría e Matemáticas con motivo do Día Internacional da Muller e da Nena na Ciencia.

Orientación sobre prácticas en empresa extracurriculares

Para o alumnado de terceiro curso, organizáronse sesións informativas sobre prácticas en empresas, a optatividade de materias, a oferta de traballos de fin de grao.

Orientación sobre TFG

O coordinador de TFG mantivo contacto vía correo electrónico cos alumnos matriculados e cos seus titores para informar sobre as características do traballo e as datas de presentación e defensa.

Orientación sobre saídas profesionais

O 18 de febreiro organizouse unha saída de campo á empresa UTINGAL para o alumnado de primeiro e segundo curso do grao.

De forma transversal para todos os cursos, celebráronse ciclos de conferencias a través do Foro Aero, onde se presentan disitntas saídas profesionais.

- Galician SkyWay: Working together to Reimagine The Future of Travel and Transport. Alejandro Fransov, Ignacio Vidal Franco. 18 de setembro de 2019
- Aeronáutico, a nova vida da empresa UTINGAL. Carlos Campos Garrido, Jesús González López. 22 de outubro de 2019.

- A Garda Civil e o desenvolvemento avanzado de software e control do espazo. Capitán Jesús S. Cano Carrillo, Capitán Emiliano Méndez Moreno, Capitán Roberto Cuesta Calvo, Tenente Sebastián Fernández Ordóñez. 5 de novembro de 2019.
- Centro de Investigación Aeroportada de Rozas CIAR (INTA). Neves Seoane. 26 de novembro de 2019.
- O satélite de observación Solar Orbiter e a participación da Universidade de Vigo. Antonio Ferriz Mas, Fermín Navarro Medina. 10 de marzo de 2020.
- Tendencias en aviación: A perspectiva de Boeing. Grzegorz Kawiecki. 9 de xuño de 2020.

Alumnado incluído no PIUNE

O coordinador do programa ANAE atendeu ao alumnado incluído neste programa.

Titulación de Máster

O coordinador do máster é o responsable da titorización do alumnado. Tanto no período de admisión e matrícula como durante o curso académico os estudantes poden contactar co coordinador e consultar sobre as diferentes opcións de matrícula, a tempo completo ou a tempo parcial, en función das súas condicións persoais, e os distintos itinerarios que pode seguir no máster en función dos seus intereses persoais.

Tamén mantivo contacto vía correo electrónico cos alumnos matriculados no TFM e cos seus titores para informar sobre as características do traballo e as datas de presentación e defensa.

III. AVALIACIÓN DO PAT

Respecto á avaliación do PAT consideramos que se cumpriron os obxectivos fixados sobre o seguimento, planificación e o desenvolvemento.